



**Broj/Број: 02-50-1-67-19/'04  
Sarajevo/Сарајево: 5.03.2004. god.**

### **ZAPISNIK**

#### **19. sjednice Doma naroda Parlamentarne skupštine Bosne i Hercegovine, održane 5. marta 2004.godine**

Sjednica je počela u 11,10 sati.

Sjednicom je predsjedavao Mustafa Pamuk, predsjedavajući Doma naroda Parlamentarne skupštine Bosne i Hercegovine.

Na sjednici je bilo 15 delegata.

Osim delegata, na sjednici Doma naroda bili su : predstavnici Vijeća ministara, predstavnici međunarodnih organizacija, pozvani gosti i predstavnici sredstava javnog informiranja.

Dom naroda usvojio je sljedeći dopunjeni

### **D N E V N I R E D**

1. Odgovori na delegatska pitanja i delegatska pitanja
2. Izjašnjavaње Doma naroda o zahtjevu za razmatranje Prijedloga Zakona o postupku medijacije po članu 99.Poslovnika Doma naroda – predlagač Vijeće ministara
3. Zahtjev za razmatranje Prijedloga zakona o izmjenama i dopunama Zakona o Visokom sudskom i tužilačkom vijeću Bosne i Hercegovine po članu 100.Poslovnika Doma naroda – predlagač Vijeće ministara
4. Zahtjev za razmatranje Prijedloga zakona o novim izmjenama i dopunama Zakona o Tužilaštvu Bosne i Hercegovine po članu 100.Poslovnika Doma naroda – predlagač Vijeće ministara
5. Zahtjev za razmatranje Prijedloga zakona o novim izmjenama i dopunama Zakona o Sudu Bosne i Hercegovine po članu 100.Poslovnika Doma naroda – predlagač Vijeće ministara
6. Prijedlog Zakona o obavještajno-sigurnosnoj agenciji Bosne i Hercegovine, prvo čitanje – predlagač visoki predstavnik
7. Prijedlog zakona o važnosti javnih isprava u Bosni i Hercegovini, prvo čitanje – predlagač Vijeće ministara
8. Izvještaj o radu Pravobranilaštva Bosne i Hercegovine za period 01.06. do 31.12.2003. godine
9. Zaključak o potrebi izrade jedinstvenih pravila za izradu pravnih propisa u institucijama Bosne i Hercegovine –predlagač, Ustavno-pravna komisija

## **Ad-1: Odgovori na delegatska pitanja i delegatska pitanja**

Odgovora na delegatska pitanja nije bilo.

Delegati su postavili sljedeća pitanja resornim ministarstvima:

### **Delegat Tomilav Limov**

1. Tko je odgovoran što do danas nije potpisan i ratificiran međudržavni sporazum između Bosne i Hercegovine i Republike Hrvatske u svezi korištenja luke Ploče i odvijanja prometa kroz Neum?
2. U čemu je suština različitosti viđenja rješenja probleme Ploča i Neuma sa strane Bosne i Hercegovine, odnosno sa strane Republike Hrvatske?
3. Kakav je stav Vijeća ministara BiH u odnosu na plan vlasti Republike Hrvatske kojim je predviđeno cestovno zaobilaznje Neuma izgradnjom mosta kojim će dalmatinsko kopno biti povezano s poluotokom Pelješac?

### **Delegat Mustafa Pamuk**

Dana 4.03.2004. godine u dnevnom listu "Dnevni Avaz" objavljen je tekst pod naslovom "BiH postaje regionalno utočište švercera drogom", koje su izrekli autori Izvještaja o stanju narkomafije i organiziranog kriminala u svijetu za 2003. godine, kao alarmantno upozorenje Stejt Departmenta. Autor i potpisnik Izvještaja je pomoćnik državnog sekretara SAD za borbu protiv narkomafije i provođenja zakona, gosp. Robert Čarls. U tekstu se između ostalog navodi da je Bosna i Hercegovina postala regionalno utočište za narkodilere i njihove pošiljke, da je trgovina narkoticima sastavni dio djelatnosti stranih i domaćih instanci organiziranog kriminala, koje su povezane sa određenim "korumpiranim zvaničnicima", mada im se imena ne spominju, te da ti zvaničnici ili toleriraju ili čak podržavaju aktivnosti narkomafije. Posebno se ističe da je Bosna i Hercegovina tranzitni centar, čak i skladište za drogu koja stiže iz susjednih država.

Od Ministarstva sigurnosti tražim, da provjere informacije iznesene u Izvještaju pomoćnika državnog sekretara SAD za borbu protiv narkomafije i provođenja zakona gosp. Roberta Čarlsa, da ministar od nadležnih institucija dobije tačna imena i prezimena tkz. "korumpiranih zvaničnika" kako su isti u tekstu nazvani, obzirom da je krajnje vrijeme da se zna koji su to zvaničnici uključeni i podržavaju organizirani kriminal.

U Izvještaju gosp. Čarlsa, obzirom na prilike u kojima je podnesen nije bilo uputno govoriti o konkretnim imenima, ali mislim da je u ovom mementu uputno da ministar sigurnosti zatraži, sazna i objelodani imena tih zvaničnika.

### **Ad-2: Izjašnjavanje Doma naroda o zahtjevu za razmatranje Prijedloga Zakona o postupku medijacije po članu 99.Poslovnika Doma naroda – predlagač Vijeće ministara**

U diskusiji je učestvovao predstavnik predlagača Niko Grubešić

Dom naroda jednoglasno je usvojio zahtjev da se Prijedlog Zakona o postupku medijacije razmatra po članu 99. Poslovnika Doma naroda

### **Ad-3: Zahtjev za razmatranje Prijedloga zakona o izmjenama i dopunama Zakona o Visokom sudskom i tužilačkom vijeću Bosne i Hercegovine po članu 100.Poslovnika Doma naroda – predlagač Vijeće ministara**

U diskusiji je učestvovao Halig Genjac

Dom narod većinom glasova je usvojio zahtjev Vijeća ministara za razmatranje Prijedloga Zakona o izmjenama i dopunama Zakona o Visokom sudskom i tužilačkom vijeću Bosne i Hercegovine po članu 100. Poslovnika Doma naroda nakon čega je Zakon jednoglasno usvojen.

**Ad-4: Zahtjev za razmatranje Prijedloga zakona o novim izmjenama i dopunama Zakona o Tužilaštvu Bosne i Hercegovine po članu 100. Poslovnika Doma naroda – predlagač Vijeće ministara**

U diskusiji su učestvovali: predstavnik predlagača, Niko Grubešić, Halid Genjac i Ilija Filipović. Dom narod većinom glasova je usvojio zahtjev Vijeća ministara za razmatranje Prijedloga Zakona o novim izmjenama i dopunama Zakona o Tužilaštvu Bosne i Hercegovine po članu 100. Poslovnika Doma naroda nakon čega je Zakon jednoglasno usvojen.

**Ad-5: Zahtjev za razmatranje Prijedloga zakona o novim izmjenama i dopunama Zakona o Sudu Bosne i Hercegovine po članu 100. Poslovnika Doma naroda – predlagač Vijeće ministara**

Diskusija nije vođena.

Dom narod većinom glasova je usvojio zahtjev Vijeća ministara za razmatranje Prijedloga Zakona o novim izmjenama i dopunama Zakona o Sudu Bosne i Hercegovine po članu 100. Poslovnika Doma naroda nakon čega je Zakon jednoglasno usvojen.

**Ad-6: Prijedlog Zakona o obavještajno-sigurnosnoj agenciji Bosne i Hercegovine, prvo čitanje – predlagač visoki predstavnik**

U diskusiji su učestvovali: Tomislav Limov, Halid Genjac, Hasan Čengić, Velimir Jukić, ambasador, predsjedavajući komisije za reformu obavještajne službe u BiH, Kalman Kočiš, Zoran Spasojević, Osmana Brka, Boško Šiljegović i Ante Spajić.

Dom naroda jednoglasno je usvojio u prvom i drugom čitanju Prijedlog Zakona o obavještajno-sigurnosnoj agenciji Bosne i Hercegovine sa sljedećim amandmanima:

**Amandman I**

Član 7. se mijenja i glasi:

«Predsjedništvo je nadležno da:

1. Prima obavještajne podatke u skladu sa članom 6. ovog zakona,
2. Prima izvještaje predsjedavajućeg po pitanjima iz nadležnosti predsjedavajućeg koji će uključivati akcije preduzete na rješavanju problema u Agenciji po nalazu inspekcije, revizora ili istrage,
3. Usmjerava glavnog inspektora da provede inspekcijsku kontrolu, reviziju ili istragu koja se tiče aktuelnih ili potencijalnih problema u vezi sa radom Agencije, a koju mogu predstavljati opasnosti odgovornostima Predsjedništva,
4. Pregleda i daje mišljenje o izvještajima glavnog inspektora u skladu sa članom 32. ovog zakona,
5. Odobrava godišnju platformu obavještajne politike, koja sadrži glavna određenja rada Agencije u skladu sa međunarodnom praksom. Platformu obavještajne politike priprema Vijeće ministara, a usvaja Parlamentarna skupština BiH,
6. Odobrava godišnji izvještaj o radu i troškovima Agencije,
7. Odobrava, po preporuci predsjedavajućeg, dogovore između Agencije i institucija strane države, međunarodnih asocijacija država ili njihovih institucija,
8. Odobrava opšte principe koordinacije i pružanja pomoći između i unutar Agencije i tijela i institucija u BiH, u skladu sa članom 67. ovoga zakona. Vijeće ministara priprema opšte principe koordinacije i pružanja pomoći,
9. Daje procjenu-mišljenje o kandidatima za generalnog direktora i zamjenika generalnog direktora, kako je propisano članom 24. ovog zakona, a po izvršenoj nominaciji od predsjedavajućeg Vijeća ministara,
10. Određuje listu institucija i objekata koji su predmet zaštite prema članu 6. stav 2. ovoga zakona

Izuzetno od nadležnosti Predsjedništva BiH koje su nabrojane u ovom članu, predsjedavajući Vijeća ministara BiH je isključivo odgovoran za nadzor i usmjeravanje rada agencije, koje obavljaju na način sukladan članu 10. ovog zakona

U izvršavanju ovlasti iz ovog člana, sva komunikacija između Predsjedništva i Agencije bit će usmjerena isključivo preko predsjedavajućeg Vijeće ministara BiH, a Predsjedništvo BiH neće, bilo kolektivno ili svaki član pojedinačno, davati instrukcije ili na bilo koji način usmjeravati rad generalnog direktora, zamjenika generalnog direktora ili bilo kojeg uposlenika Agencije, osim glavnog inspektora u skladu sa stavom 1. tačka 3. ovog člana.

### **Amandman II**

U članu 9. tačka 5. iza riječi «Predsjedništvu» dodaju se riječi «Parlamentarnoj skupšini Bosne i Hercegovine», a dalji tekst ove tačke ostaje isti.

### **Amandman III**

U članu 17. stav 4. iza riječi «zastupljene u » brišu se riječi «Predstavničkom domu» i dodaju se riječi «jednom od domova Parlamentarne skupštine Bosne i Hercegovine»

### **Amandman IV**

Član 24. se mijenja i glasi

«Generalnog direktora i njegove zamjenike imenuje i razrješava dužnosti Predsjedništvo Bosne i Hercegovine na prijedlog Kolegija Vijeća ministara (Izvršnog odbora) i uz konsultacije sa Sigurnosno-obavještajnim povjerenstvom.

Nominiranje kandidata za generalnog direktora i njegove zamjenike vrši se na temelju pokazane profesionalnosti i iskustva stečenih na obavještajnim i protu-obavještajnim poslovima i provođenju zakona, a ne na temelju političke pripadnosti.

Traženo iskustvo ne može biti stečeno isključivo na pozicijama do kojih se dolazi političkim imenovanjima.»

### **Amandman V**

U članu 76. brišu se tačke e) i f)

### **Amandman VI**

U članu 77. iza stava.4. dodaje se novi stav koji glasi

«Građanin Bosne i Hercegovine koji je bilo predmet praćenja ili prisluškivanja treba, po okončanju praćenja ili prisluškivanja, biti obaviješten o poduzetim mjerama najduže u roku od 30 dana po okončanju postupka.»

### **Amandman VII**

U članu 79.stav.2. se mijenja i glasi:

«Generalni direktor osigurava da se podaci koji su prikupljeni na način koji nije u skladu sa ovim zakonom odmah unište. U takvim slučajevima, generalni direktor će o tome obavjestiti predsjedavajućeg i glavnog inspektora i pokrenuti disciplinski postupak protiv onoga koji je postupio suprotno zakonu

**Amandman VIII**

U članu 94. riječ: «aprila» zamjenjuje se riječju: «maja»

**Amandman IX**

U članu 96. riječ: «aprila» zamjenjuje se riječju: «maja».

**Amandman X**

U usvojenom amandmanu XLIV koji se odnosi na član 97. Prijedloga zakona, u st. 3. i 4. brišu se riječi: «izvršnim savjetom».

**Amandman XI**

U usvojenom amandmanu XLV koji se odnosi na član 98. Prijedloga zakona, u prvom stavu na kraju rečenice dodaju se riječi: «osim dužnosti propisane u tački 4.».

**Amandman XII**

U članu 98. stav 1. riječ «aprila» zamjenjuje se riječju: «maja».

**Amandman XIII**

U članu 99. stav 1. riječ: «aprila» zamjenjuje se riječju: «maja».

**Amandman XIV**

U članu 102. stav 1. riječ: «aprila» zamjenjuje se riječju: «maja».

**Amandman XV**

U članu 104. u st. 1. i 2. riječi: «aprila» zamjenjuju se riječima: «maja».

Kako su Dom naroda i Predstavnički dom usvojili Zakon u različitom tekstu iz Doma naroda imenovani su Tomislav Limov, Boško Šiljegović i Halid Genjac, za članove komisije za usaglašavanje teksta Zakona.

**Ad-7: Prijedlog zakona o važnosti javnih isprava u Bosni i Hercegovini, prvo čitanje – predlagač Vijeće ministara**

U diskusiji je učestvovao predstavnik predlagača, Niko Grubešić

Dom naroda je u oba čitanja u predloženom tekstu usvojio Prijedlog zakona o važnosti javnih isprava u Bosni i Hercegovini.

Budući da je Zakon u domovima usvojen u različitim tekstu, iz Doma naroda imenovani su članovi komisije za usaglašavanje teksta Zakona, u sastavu: Tomislav Limov, Hasan Čengiç i Nade Radović.

**Ad-8: Izvještaj o radu Pravobranilaštva Bosne i Hercegovine za period 01.06. do 31.12.2003. godine**

U diskusiji su učestvovali: Ilija Filipović i Mustafa Pamuk

Dom naroda jednoglasno je usvojio Izvještaj o radu Pravobranilaštva Bosne i Hercegovine za period 01.06. do 31.12.2003. godine

**Ad-9: Zaključak o potrebi izrade jedinstvenih pravila za izradu pravnih propisa u institucijama Bosne i Hercegovine –predlagač, Ustavno-pravna komisija**

U diskusiji su učestvovali: predstavnik predlagača, Niko Grubešić, Ilija Filipović i Jadranko Tomić.

Dom naroda jednoglasno je usvojio Zaključak o potrebi izrade jedinstvenih pravila za izradu pravnih propisa u institucijama Bosne i Hercegovine

**Zaključak o potrebi izrade jedinstvenih pravila za izradu pravnih propisa u institucijama Bosne i Hercegovine**

1. Pristupa se izradi jedinstvenih pravila za izradu pravnih propisa u institucijama Bosne i Hercegovine
2. Ovim pravilima će se razraditi:
  - Ujednačena tehnika izrade propisa koja će biti obavezujuća za osobe i tijela koji sudjeluju u njihovoj izradi,
  - Standardizirati obrazloženja propisa u skladu sa praksom u zemljama Evropske unije,
  - Ustrojstvo poslova za normativne djelatnosti u institucijama BiH i modaliteti njihove međusobne saradnje,
  - Pitanje lektoriranja tekstova u institucijama Bosne i Hercegovine u cilju postizanja kvaliteta teksta u smislu pravopisne dosljednosti u sve tri službene jezičke verzije teksta, na bosanskom, hrvatskom i srpskom jeziku.
3. Ovlašćuje se Ustavno-pravna komisija Doma naroda da se u saradnji sa Ustavno-pravnom komisijom Predstavničkog doma, pripremi jedinstvena pravila iz tačke 1. i dostavi domu na usvajanje.
4. Jedinstvena pravila će biti obavezujuća za sve institucije Bosne i Hercegovine, s preporukom za primjenu u entitetskim i nižim razinama vlasti, a objaviće se u «Službenom glasniku Bosne i Hercegovine»
5. Jedinstvena pravila objaviće se u «Službenom glasniku Bosne i Hercegovine»

Sjednica je završena 17,45 sati.

Sastavni dio ovog zapisnika je neautorizirani transkript sjednice.

SEKRETAR  
DOMA NARODA  
Jadranko Tomić

PREDSJEDAVAJUĆI  
DOMA NARODA  
Mustafa Pamuk